

4. Ovaj zaključak stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-35541-25/22  
15. septembra 2022. godine  
Sarajevo

Premijer  
**Edin Forto**, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 234. vanrednoj sjednici održanoj 15.09.2022. godine, donijela je

### ZAKLJUČAK

- Zadužuje se Zavod za izgradnju Kantona Sarajevo da pokrene postupak prenosa zemljišta vatrogasne ispostave Stup na Kanton Sarajevo u cilju okončanja uknjižbe nekretnine.
- Za realizaciju ovog zaključka zadužuje se Zavod za izgradnju Kantona Sarajevo i Kantonalna uprava civilne zaštite Kantona Sarajevo, svako u okviru svojih nadležnosti.
- Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-35541-27/22  
15. septembra 2022. godine  
Sarajevo

Premijer  
**Edin Forto**, s. r.

### Ministarstvo za boračka pitanja Kantona Sarajevo

Na osnovu člana 66. stav 2., člana 68. stav 1. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 56. stav (4) Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 31/22), ministar za boračka pitanja Kantona Sarajevo donosi

### PRAVILNIK

#### O IZMJENAMA I DOPUNI PRAVILNIKA ZA UTVRĐIVANJE PRAVA NA DODJELU JEDNOKRATNE NOVČANE POMOĆI

##### Član 1.

U Pravilniku za utvrđivanje prava na dodjelu jednokratne novčane pomoći ("Službene novine Kantona Sarajevo", broj 37/22) u članu 18. stav (3) mijenja se i glasi: "Za potrebe odlučivanja o dodjeli jednokratne novčane pomoći za rješavanje socijalnih potreba iz tačke a) i b) ministar formira Komisiju za dodjelu jednokratne novčane pomoći".

##### Član 2.

U članu 19. stav (1) riječi: "uz obrazloženje svog prijedloga", zamjenjuju se riječima: "uz navođenje osnova dodjele jednokratne novčane pomoći u obrazloženju".

##### Član 3.

U članu 19. stav (3) dodaje se nova tačka f) koja glasi: "Izuzetak od primjene općeg kriterija imovinskog cenzusa je tač. a), b) i c) iz stava (3) ovog člana.

##### Član 4.

U članu 20. stav (1) tačka g) riječi: "godinu dana", zamjenjuju se riječima: "tri godine".

##### Član 5.

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-36395/22  
22. septembra 2022. godine  
Sarajevo

Ministar  
Dr. sc. **Omer Osmanović**, s. r.

Na osnovu člana 66. stav 2. i 68. stav 3. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 47. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), ministar za boračka pitanja Kantona Sarajevo donosi

### INSTRUKCIJU

#### O NAČINU IZVRŠENJA UPRAVNIH I STRUČNIH POSLOVA U POSTUPKU ODLUČIVANJA O PRAVU NA NAKNADU TROŠKOVA DŽENAZE-SAHRANE

##### Član 1.

(Osnovne odredbe)

Ovom Instrukcijom uređuje se način izvršenja, uvjeti i dokumentacija potrebna za ostvarivanje prava na naknadu troškova dženaze - sahrane, kao i upute za postupanje prvostepenim organima nadležnim za rješavanje po zahtjevima za priznavanje prava na naknadu troškova dženaze - sahrane u skladu sa odredbama Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), (u daljnjem tekstu: Zakon).

##### Član 2.

(Nadležnost za donošenje prvostepenih rješenja)

- Zahtjev za ostvarivanje prava na naknadu troškova dženaze - sahrane, podnosi se nadležnoj općinskoj službi za boračko-invalidsku zaštitu, prema mjestu prebivališta umrlog lica koja rješava u prvom stepenu.
- Zahtjev stranaka na naknadu troškova dženaze - sahrane rješavaju se prema stanju spisa i na osnovu dokaza uz zahtjev kojim je pokrenut upravni postupak, na osnovu čega se utvrđuje stvarno činjenično stanje i ispunjavanje uvjeta za priznavanje prava u momentu podnošenja zahtjeva za ostvarivanje prava, te u skladu sa tim donosi upravni akt.
- Upravni akt koji donosi prvostepeni organ u obliku rješenja u dispozitivu treba obavezno da sadrži: naznaku da se pravo na naknadu troškova dženaze - sahrane priznaje licu koje je podnijelo zahtjev i koje je snosilo troškove dženaze - sahrane, ime umrlog lica te pripadnost boračkoj populaciji istog.
- Obrazloženje rješenja treba obavezno da sadrži: datum podnošenja zahtjeva za ostvarivanje prava na naknadu troškova dženaze - sahrane, dokaz o pripadnosti boračkoj kategoriji za umrlo lice, za umrlo lice demobiliziranog branioca shodno članu 4. stav (1) Zakona da je bio pripadnik Oružanih snaga najmanje godinu dana sa navedenim periodom pripadnosti, te činjenice vezano za nepostojanje okolnosti iz člana 36. Zakona o pravima branilaca i članova njihovih porodica "Službene novine Federacije BiH", br. 33/04, 56/05, 70/07, 9/10 i 90/17", adresa prebivališta/boravišta za umrlo lice, račune o troškovima dženaze - sahrane, kao i sve ostale dokaze sa naznačenim brojem, datumom i nazivom organa koji je izdao akt na osnovu kojih se utvrđuje stvarno činjenično stanje i ispunjavanje uvjeta za priznavanje prava.

##### Član 3.

(Uvjeti za ostvarivanje prava)

- Članovi porodice odnosno lice koje je snosilo troškove dženaze- sahrane za lica iz člana 1. Zakona sa područja Kantona Sarajevo, ima pravo na naknadu troškova dženaze-sahrane u visini od tri prosječne neto plaće zaposlenih u Federaciji BiH iz prethodne godine.
- Pravo iz stava (1) ovog člana, mogu ostvariti i lica koja snose troškove dženaze-sahrane za djecu šehida, poginulih, umrlih i nestalih branilaca, bez obzira da li

- ostvaruju pravo na porodičnu invalidninu u skladu sa federalnim zakonom.
- (3) Ratni vojni invalidi mogu ostvariti pravo na naknadu troškova dženaze-sahrane samo za članove uže porodice (bračni drug, djeca i roditelji) koji su živjeli sa njim u zajedničkom domaćinstvu, a što se dokazuje uvjerenjem o kretanju za ratnog vojnog invalida i potvrdom o identitetu za umrlo lice.
- (4) Naknada troškova dženaze-sahrane se može odobriti i za članove porodice umrlih ratnih vojnih invalida, koji su ostvarili pravo na porodičnu invalidninu.
- (5) Ukoliko troškove dženaze-sahrane za lica iz člana 1. Zakona sa područja Kantona Sarajevo snosi pravno lice troškovi se priznaju u visini stvarnih troškova, a najviše do tri prosječne neto plaće zaposlenih u Federaciji BiH iz prethodne godine.
- (6) Ukoliko umrlo lice iz člana 1. Zakona sa područja Kantona Sarajevo nema članova porodice odnosno nikoga ko bi snosio troškove dženaze-sahrane, nadležna općinska služba uz osiguranje dokaza o mogućnosti ostvarivanja ovog prava (o smrti, prebivalištu i boračkom statusu), od ukopnog društva i odgovarajuće vjerske zajednice traži da organiziraju nužni, odnosno uobičajeni ukop na gradskom groblju, te istim priznaje stvarne troškove dženaze-sahrane, do visine od najviše tri prosječne neto plaće zaposlenih u Federaciji BiH iz prethodne godine.
- (7) Pravo na naknadu troškova dženaze - sahrane podnosioc zahtjeva ostvaruje i za umrlo lice koje je redovno plaćalo članarinu odgovarajućoj vjerskoj zajednici ili pokopnom društvu, odnosno ukoliko prema računu/aktu odgovarajuće vjerske zajednice ili pokopnog društva nije bilo troškova dženaze - sahrane.

## Član 4.

(Izuzetak u ostvarivanju prava u slučaju odjave prebivališta ili boravišta)

Izuzetno, u slučaju odjave prebivališta ili boravišta sa područja Kantona, odnosno prijave prebivališta ili boravišta na drugom području unutar Bosne i Hercegovine, umrlog lica iz člana 1. Zakona, lice koje je snosilo troškove dženaze-sahrane može ostvariti pravo na naknadu troškova dženaze-sahrane po ovom zakonu, ukoliko to pravo ne ostvari po propisima koji važe na području novog prebivališta umrlog lica.

## Član 5.

(Rok za podnošenje zahtjeva za ostvarivanje prava)

Postupak za priznavanje prava na naknadu troškova dženaze - sahrane se može pokrenuti najdalje u roku od jedne godine od dana smrti lica.

## Član 6.

(Naknada troškova ekshumacije)

Naknada troškova ekshumacije poginulih boraca, bez obzira da li članovi njihovih porodica žive na području Kantona Sarajevo, neće se priznavati.

## Član 7.

(Potrebna dokumentacija za ostvarivanje prava)

- (1) U cilju dokazivanja relevantnih činjenica radi ostvarivanja prava podnosioc zahtjeva uz zahtjev za priznavanje prava na naknadu troškova dženaze - sahrane, dužan je dostaviti slijedeću dokumentaciju:
- dokaz o pripadnosti boračkoj kategoriji za umrlo lice:
    - za umrle demobilizirane branioc uvjerenje da je bio pripadnik Oružanih snaga, izdato od nadležne Grupe/Samostalnog izvršioca za pitanja evidencija iz oblasti vojne obveze (Uvjerenje VFMB-3a),

- za umrle ratne vojne invalide rješenje o priznavanju prava na ličnu invalidninu,
- za umrle članove porodice umrlih ratnih vojnih invalida rješenje o priznavanju prava na porodičnu invalidninu,
- za umrlo djecu šehida-poginulih boraca uvjerenje od nadležne službe za boračko-invalidsku zaštitu.
- uvjerenje o kretanju ili potvrda o identitetu da je umrlo lice imalo prijavljeno prebivalište/boravište na području Kantona Sarajevo,
- račun/faktura o plaćenim troškovima dženaze-sahrane,
- izvod iz matične knjige rođenih za ratnog vojnog invalida podnosioca zahtjeva i rješenje o priznatom svojstvu RVI,
- potvrda banke sa brojem tekućeg računa podnosioca zahtjeva ili kopija tekućeg računa podnosioca zahtjeva.

- (2) Priložena dokumentacija treba biti original ili ovjerena kopija ne starija od šest mjeseci, izuzev za dokaz iz tačke d) (rodni list) ukoliko je isti trajnog karaktera.

## Član 8.

(Postupak donošenja rješenja)

- Nadležna općinska služba za boračko-invalidsku zaštitu je dužna provesti upravni postupak i donijeti rješenje po zahtjevu stranke u skladu sa odredbama Zakona o upravnom postupku ("Službene novine Federacije BiH", br. 2/98, 48/99 i 61/22).
- Nadležna općinska služba za boračko-invalidsku zaštitu je dužna nakon donošenja prvostepenog rješenja isti uručiti stranci, te nakon isteka roka za žalbu, jedan primjerak rješenja o priznavanju prava dostaviti Ministarstvu za boračka pitanja Kantona Sarajevo (u daljnjem tekstu: Ministarstvo), radi vršenja nadzora i plaćanja.
- U postupku nadzora, Ministarstvo može dati saglasnost na prvostepeno rješenje, ukoliko ocijeni da je isto zakonito i pravilno doneseno, ili može poništiti i vratiti na ponovno rješavanje prvostepenom organu, ili samo drugačije riješiti upravnu stvar, ako ocijeni da rješenje sadrži formalno-pravne nedostatke.
- Protiv rješenja o poništavanju i vraćanju na ponovni postupak ne može se pokrenuti upravni spor.

## Član 9.

(Postupak po žalbama)

- Nadležna općinska služba za boračko-invalidsku zaštitu je dužna prvostepeno rješenje na koje je izjavljena žalba zajedno sa spisom predmeta dostaviti Ministarstvu, na nadležno postupanje.
- Protiv drugostepenog rješenja nije dopuštena žalba, ali se može pokrenuti upravni spor pred nadležnim kantonalnim sudom.

## Član 10.

(Dostavljanje na isplatu i vođenje evidencije)

- Ministarstvo vrši plaćanje dostavljenih rješenja koja su prošla nadzor, putem općine koja je rješenje dostavila na plaćanje, odnosno sredstva se uplaćuju na račun općine, odakle će odgovarajuća općinska služba izvršiti plaćanje na dostavljeni račun krajnjeg korisnika, pravnog ili fizičkog lica koje je snosilo troškove.
- Nadležna općinska služba za boračko-invalidsku zaštitu je dužna voditi službenu evidenciju o korisnicima prava, odnosno donesenim i plaćenim rješenjima, a koja mora sadržavati podatke o korisniku (ime, ime oca, prezime, JMB, kategorija/srodstvo, adresa, općina, a u slučaju

pravnog lica naziv, adresa), podatke o isplati (broj i datum rješenja, iznos, datum isplate/dostavljanja na plaćanje) i podatke o umrlom (ime, ime oca prezime, JMB, kategorija, općina koja donosi rješenje).

- (3) Evidencija iz stava (2) ovog člana se vodi u cilju evidentiranja ostvarenog prava i izvršene gotovinske isplate, te prenosa podataka elektronskim putem u uspostavljene registre kod nadležnih institucija i u druge svrhe se ne može koristiti.

Član 11.

(Kontrola namjenskog trošenja sredstava)

Kontrolu namjenskog trošenja sredstava vrši Ministarstvo putem usmjerenog nadzora.

Član 12.

(Završne odredbe)

Ova instrukcija stupa na snagu danom donošenja, a objavit će se u "Službenim novinama Kantona Sarajevo".

Broj 06-02-36678/22

Ministar

23. septembra 2022. godine

Dr. sc. **Omer Osmanović**, s. r.

Sarajevo

### Ministarstvo zdravstva Kantona Sarajevo

Ministarstvo zdravstva Kantona Sarajevo, saglasno članu 13. stav 1. tačka 13., te članu 205. stav 1. Zakona o zdravstvenoj zaštiti ("Službene novine Federacije BiH", br. 46/10 i 75/13), a u vezi sa članom 3. stav 1. alineja 1. Pravilnika o načinu pregleda umrlih, te utvrđivanja vremena i uzroka smrti ("Službene novine Federacije BiH", br. 79/13 i 9/14) i člana 70. st. 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), donosi

### RJEŠENJE

#### O IZMJENI RJEŠENJA O IMENOVANJU DOKTORA MEDICINE OVLAŠTENIH ZA PREGLED, UTVRĐIVANJE VREMENA I UZROKA SMRTI OSOBA UMRLIH IZVAN ZDRAVSTVENE USTANOVE NA PODRUČJU KANTONA SARAJEVO

- U Rješenju o imenovanju doktora medicine ovlaštenih za pregled, utvrđivanje vremena i uzroka smrti osoba umrlih izvan zdravstvene ustanove na području Kantona Sarajevo ("Službene novine Kantona Sarajevo", br. 10/22, 16/22 i 19/22) u tački 2. podtačke i to:
 

"2.7. Bihorac-Kučuk dr Zumreta, specijalista porodične/obiteljske medicine, i
27. Bušatlić dr Belma, doktor medicine, razrješavaju se dužnosti obavljanja poslova doktora mrtvozornika."
 

Ostali dio teksta rješenja ostaje nepromjenjen.
- Ovo rješenje stupa na snagu danom donošenja i biće objavljeno u "Službenim novinama Kantona Sarajevo".

Broj 10-33-3420/22

16. septembra 2022. godine

Sarajevo

Ministar

Prof. dr. **Haris Vranić**, s. r.

### GRAD SARAJEVO

#### Gradonačelnik

Na osnovu člana 8. i člana 26. Odluke o izvršavanju Budžeta Grada Sarajeva za 2022. godinu ("Službene novine Kantona Sarajevo", broj 2/22), a u vezi sa članom 2., 3. i 4. Pravilnika o kriterijima za korištenje sredstava iz tekuće rezerve Budžeta Grada Sarajeva ("Službene novine Federacije BiH", broj 60/13), gradonačelnica Grada Sarajeva donosi

### ODLUKU

#### O ODOBRAVANJU IZDVAJANJA SREDSTAVA IZ TEKUĆE REZERVE BUDŽETA GRADA SARAJEVO ZA 2022. GODINU

#### I

Iz Tekuće rezerve Budžeta Grada Sarajevo za 2022. godinu ("Službene novine Kantona Sarajevo", broj 2/22) sa ekonomskog koda 600000 odobrava se izdvajanje sredstava u ukupnom iznosu od 2.000,00 KM, na poziciju:

614 300 Tekući transferi neprofitnim organizacijama  
"Savez invalida rada FBiH" u iznosu od 2.000,00 KM

#### II

Za realizaciju ove odluke zadužuju se Gradska služba za lokalno poslovanje i Gradska služba za finansije.

#### III

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01/07-11-6096-2/22

Gradonačelnica

19. septembra 2022. godine

Grada Sarajeva

Sarajevo

Doc. dr. **Benjamina Karić**, s. r.

### OPĆINA ILIJAŠ

#### Općinsko vijeće

Na osnovu člana 13. Zakona o principima lokalne samouprave ("Službene novine Federacije BiH" br. 49/06 i 51/09), člana 7. stav 1. i član 37. Zakona o budžetima u Federaciji BiH ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 55. i 104. Statuta općine Ilijaš ("Službene novine Kantona Sarajevo", broj 20/09 - Prečišćeni tekst i 46/18), te člana 90. i 94. Poslovnika Općinskog vijeća Ilijaš ("Službene novine Kantona Sarajevo" br. 19/22), Općinsko vijeće Ilijaš na svojoj 20. sjednici održanoj 20.09.2022. godine, donijelo je

### IZMJENE I DOPUNE

#### BUDŽETA OPĆINE ILIJAŠ ZA 2022. GODINU

#### I. OPĆI DIO

Član 1.

U Budžetu općine Ilijaš za 2022. godinu ("Službene novine Kantona Sarajevo", br. 19/22) član 1. mijenja se i glasi:

Budžet općine Ilijaš za 2022. godinu (u daljem tekstu: Budžet) sastoji se od:

<b>I PRIHODA I PRIMITAKA</b>	<b>19.886.200,00</b>	
<b>II IZDACI</b>	<b>19.886.200,00</b>	<b>0,00</b>